



|              |                                                                                     |
|--------------|-------------------------------------------------------------------------------------|
| Title        | 鈴木無隠翁傳                                                                              |
| Author(s)    | 大江, 萬里                                                                              |
| Citation     | 懷徳. 1940, 18, p. 51-52                                                              |
| Version Type | VoR                                                                                 |
| URL          | <a href="https://hdl.handle.net/11094/89047">https://hdl.handle.net/11094/89047</a> |
| rights       |                                                                                     |
| Note         |                                                                                     |

*The University of Osaka Institutional Knowledge Archive : OUKA*

<https://ir.library.osaka-u.ac.jp/>

The University of Osaka

夢往還。樂哉吾廬。

## 鈴木無隱翁傳

大江萬里

余嘗寓勢州。聞鈴木無隱翁之名。爲人恬澹自樂。蓋昭代之逸民也。一水迢遙。空

瞻山人云二句綱領

欲往從之。

有詩人兼葭之思焉。無幾余赴野州。又轉入京都。杳々十年。不復知翁爲何狀也。己酉之秋。偶有人告

曰。翁亦來住都下。余聞而驚且喜。卽往訪其居。時翁方臥病。聞余名擁被出迎。狀貌魁梧。髭鬚皓々

然。余仰視未發一語。翁徐把余手。引而上堂。欣然曰。嘗在勢州聞子名矣。新知猶舊知也。乃拂席而

坐。突如謂曰。天理流行。心性惺々。是道之本源。又曰王學要旨近時學問走細瑣爭毫末。人心益陋。世道益

衰。是可歎已。余聽而大悅。且悔相見之晚也。翁在市廛雜沓之中。蓬蓽環堵。僅庇風雨。實無長物。

壁間琴一張。案上書數卷。優游起臥。怡然自樂。又曰自樂之狀聞搢紳諸公嘗相謀。欲卜寬閑之地。構一室以

爲其隱棲之處。告意於翁。翁亦不拒焉。一夕忽大聲呼曰。飛樓亭然。有花有月。無是雲龍山人故鶴亭

耶。又曰自樂之言家人驚竊窺之。翁坐陋室。仰觀俯笑。意如其樂者。蓋翁常能想像未來事物。亡而爲有。虛

而爲盈。是以樂亦在其中矣。又曰自樂之理一日病俄篤。謂人曰。燈將滅焉。油先絕矣。儼然而逝。年六十七。

實明治四十三年三月六日也。

翁名□□。稱三郎。鈴木氏。無隱其號。米澤人。父辭齋業蘭醫。翁少時遊江戶。就古賀茶溪修漢學

及洋學。尋入昌平饗。時歐米船艦交來。求互市不已。幕政失宜。海內騷然。尊攘之論盛起。翁慨然曰。國家多難。何事學乎。仗劍遊於常野之間。陰與勤王諸士相結。元治元年四月。武田耕雲齋等舉兵於筑波山。翁乃助之。轉鬪百餘日。然衆寡不敵。一軍四散。翁悵然大息曰。時未至矣。但此軀未死。宜暫護生以觀時運之推移耳。乃變服混商賈間。物色甚急。即纏僧衣。逃入京都。而其志不衰。既而幕府奉還大政。皇運維新。同棟之士。皆列于廟堂之上。拜美官享豐祿。而翁獨不預焉。笑曰。吾不能乘時趨勢與世相俯仰也。自是不復語天下之事。又曰收逸翁尤精王學兼邃禪理云。又曰末尾二語何等簡淨篇首提二句爲綱領。前半幅寫翁平生。是上句之事。後半幅叙翁閱歷。是下句之實。而精神在結二語妙々。

壬子三月下泮

膽山人章拜批

追記

大正七年秋。朝廷嘉翁生前勤王之功。特贈從五位。翁嘗有詩曰。人生最是無聊賴。亂後英雄雨後花。今有此恩命。翁有知應感泣於九原之下矣。時余有詩。如左。

雨花吟就奈情何。烈士暮年歎逝波。誰識春風吹散後。殘芳偏向九天多。

皇紀二千六百年元旦恭賦

秋月胤繼

無缺金甌傳自天。隆隆皇德八紘宣。斯迎嘉歲真堪賀。肇國二千六百年。